



**UNIVERZITET U ZENICI
REKTORAT**

- SENAT -

Broj:01-108-320-3039/13.

Zenica, 06.11.2013.godine

Na osnovu člana 53. Zakona o visokom obrazovanju („Službene novine Zeničko-dobojskog kantona“ broj: 6/09 i 9/13), člana 19.a Zakona o javnoj ustanovi Univerzitet u Zenici (Službene novine Zeničko-dobojskog kantona, broj: 6/05, 11/06, 6/09, 10/11, 16/11 i 15/12) i člana 63. Statuta Univerziteta u Zenici (Prečišćeni tekst), a na Prijedlog odluke Naučno-nastavnog vijeća Zdravstvenog fakulteta Univerziteta u Zenici, broj: 05-200-001-0424/13. od 22.10.2013.godine, Senat Univerziteta u Zenici na 09/13. sjednici, održanoj 06.11.2013.godine, donio je

ODLUKU

Član 1.

Ovom Odlukom odobrava se studentima Zdravstvenog fakulteta Univerziteta u Zenici, upisanim akademske 2011/2012. godine na studijskom programu Zdravstvena njega Zdravstvenog fakulteta Univerziteta u Zenici, realiziranom na Politehničkom fakultetu u Puli, Republika Hrvatska, da počev od akademske 2013/2014. godine mogu nastaviti i okončati dodiplomski studij na Zdravstvenom fakultetu Univerziteta u Zenici, prema zakonskim i podzakonskim propisima Bosne i Hercegovine, Federacije Bosne i Hercegovine i Zeničko-dobojskog kantona, kao i prema općim i pojedinačnim aktima Univerziteta u Zenici.

Član 2.

Studentima iz člana 1. ove Odluke omogućava se upis na III (treću) godinu dodiplomskog studija na Zdravstvenom fakultetu Univerziteta u Zenici, po Nastavnom planu i programu Zdravstvena njega, i to kao studentima stranim državljanima u skladu s članom 97. Zakona o visokom obrazovanju (Službene novine Zeničko-dobojskog kantona, broj: 6/09 i 9/13), uz pravo i obavezu na slušanje nastave, polaganje ispita i okončanje dodiplomskog studija shodno odredbama pomenutog Zakona o visokom obrazovanju, Statuta Univerziteta u Zenici (Prečišćeni tekst), kao i drugim općim i pojedinačnim aktima Univerziteta u Zenici, a na osnovu ugovora o studiranju potpisanog sa Univerzitetom u Zenici.

Član 3.

Odluka stupa na snagu danom donošenja.

Obrazloženje

Razmatrajući Informaciju o realizaciji Ugovora o zajedničkom organizovanju i izvođenju dodiplomskih i master studija, protokol broj 01-100-820-2286/11 od 22.juna 2011. godine, zaključenog između Univerziteta u Zenici i Univerziteta za mir Ujedinjenih nacija (ECPD) u okviru međunarodne razmjene profesora i studenata, kao i u pitanju realizacije nastave po nastavnom planu i programu Zdravstvenog fakulteta Univerziteta u Zenici, na Politehničkom fakultetu u Puli, država Republika Hrvatska (Projekt o saradnji: Univerzitet u Zenici (OJ Zdravstveni fakultet)-ECPD-Politehnički fakultet u Puli), kao i Prijedlog odluke Naučno-nastavnog vijeća Zdravstvenog fakulteta Univerziteta u Zenici, broj: 05-200-001-0424/13. od 22.10.2013.godine, Senat Univerziteta u Zenici je na svojoj 09/13. sjednici održanoj 06.11.2013. godine odlučio kao u dispozitivu Odluke.

Dostavljeno:

1x Ministarstvo obrazovanja, nauke,
kulture i sporta Zeničko-dobojskog kantona

1x Senat Univerziteta

x a/a



PREDSJEDAVAJUĆI SENATA

Prof.dr.sc. Halid Kurtović

